



Inatsisartunut ilaarsortat  
Finn Karlsen, Atassut  
Siverth K. Heilmann, Atassut  
Knud Kristiansen, Atassut  
Maani

## **Apeqqtuseqaammut akissut nr. 2010-145 tunitsivik Nuussuarmiittoq pillugu**

Inatsisartut suleriaasianni § 36, immikkoortoq 1 naapertorlugu Nuussuarmi umiarsuarmik tunitsiviliiisoqarsinnaanera pillugu apeqqtseqarpusi. Apeqqt uvanniit akineqartussanngorlugu ingerlatinneqarpoq.

### **Apeqqut:**

Naalakkersuisut Nuussuarmi Upernaviup eqqaani Upernavik Seafood A/S-ip tunitsiviliorinissaa 2010 juunip naaneranut periarfissinnikuuaat? Massakkut periarfissiineq tamanna qaangerneqarmat Naalakkersuisut qanoq iliuseqarniarpat? Tunitsiviliiiniartut allat soorlu umiarsuarmik tunitsiviliinikkut periarfissinniarpaat?

### **Tungavilersuut:**

Nuussuarmi aalisartut aasaanerani tunitsiveqarnikkut periarfissaqanngillat, naak upernaanerani aasallu ulluini ukiup sinneranut ileqqaarnissaminnik aalisarnikkut periarfissaqarluaraluartut, maannakkut tunitsiviliarineqartup piffissaatillugu aasaatillugulu naammassineqarsinnaanera ilimagineqarsinnaanngimmat aalisartut periarfissamik mattuteqqaneqarput, taamaasilluni ilaqutariippasuit aningaasarsiornerat inuuniarnerallu ilungersunartorujussuarmik eqqorlugit, tamannalu ukiup sinneranut annertuumik inuuniarnikkut sunniuteqartussanngorpoq.

### **Akissut:**

Aallaqqaasiullugu apeqqut nr. 2010-139, Upernavimmi tunisinermut pissutsit pillugit Upernaviup eqqaani aalisakkanik tunisisinnaanermut qinnuteqaatinut akuersissutinullu nassuiaateqaasiorfigalugit akissuteqaatigisara innersuussutigissavara.

Upernavik Seafood A/S-ip Nuussuarmi tunitsivimmik sanaavata naammassinissaanut killiliussamut taaneqartumut tunngatillugu paasissutissiissutigissavara Upernavik Seafood A/S-ip sinniisaata tunitsiviup ulloq 6. august 2010 aallarnerfigalugu atulerneqarnissaa ilimagigitsik ilisimateqqammermanga. Tassunga atatillugu uppernarsarneqarpoq Fødevarestyrelse, tunitsiviup inuussutissalerivittut atuussinnaaneranik akuersisussaq Nuussuarmut ulloq 5. august 2010 tunitsivimmik misissuilluni akuersinissaq siunertaralugu tikissammat.

Soorunami massakkut tunitsiviup akuerineqarsinnaaneranut tunngatillugu taamatut pisoqarnissaa neriorsuutigisinnaanngilara. Ullorli 5. august 2010

Sagsnr.  
Dok. Nr. 425599

Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apnn@nanoq.gl  
www.nanoq.gl

tunitsivik inuussutissalerinermut oqartussanit akuersissutigineqassappat, tunisineq ulloq taanna aallarnerfigalugu ingerlanneqalersinnaavoq, aalisakkallu tunineqartut nunanut EU-mut ilaasortaannngitsunut nioqqutigineqarsinnaapput. Aalisakkat aatsaat EU-mut tunineqarsinnaapput EU-mit akuersissut pineqarpat, Upernavik Seafood-illu paasissutissat tunniussai naapertorlugit akuersissut taamaattoq qaammatit marlunnit pingasunut ingelareerpata pissarsiarineqarsinnaassaaq.

Soorlu apeqqut 2010-139, Upernavimmi tunitsiveqarnermut tunngatillugu akissuteqaatinni paasissutissiissutiginga, Halibut Greenland piffimmi umiarsuarmik tunitsiviliisinaasoq akuersissutigaa. 2010-mi umiarsuarmik tunitsiviliineq Upernavik Seafood-ip tunitsiviata atulernissaata tungaanut atuutissaaq. Tunitsivik 2010-p naanerani atulernissaminut piareersimannngippat akuersissut 2010-p sinneranut atuutissaaq. Tamatumalu kingorna piffimmi umiarsuarmik tunitsiviliinissamat periarfissaqarnersoq nutaamik nalilerneqassaaq.

Akuersissummut immikkut piunasaqaatigineqarpoq tunitsiviup avannarpasissutsip 73°55'-ip (Qutdlakorssuit) aammalu 74°06' (Nuugsuaq) akornanni taamaallaat tunitsivigineqarsinnaanera, erseqqinnerusumik oqaatigalugu piffimmi aqutsiveqarfimmilu tunitsiviit amerlavallaalernissat pinngitsoortinniarlugu Ryders Isfjord-ip Ussing Isfjord-illu akornanni. Ikerasassuarmilu tunitsiviup kisaqqasinnaanera akuersissutigineqarpoq, angallammulli taamaallaat avannarpasissutsit taaneqartut iluini taakkulu kangerluini pisanik tunisisoqarsinnaavoq.

Soorlu Halibut Greenland-ip akuersissutaani piunasaqaatini taaneqartuni takuneqarsinnaasoq tunitsiviup atulernerqarnerata kingornanit umiarsuaq tunitsivik piffimmi tunitsivittut atornerqarunnaassaaq.

Maanna illuatungeriinnut tamanut iluarineqarsinnaasumik aaqqiisoqartoq neriuppunga, taamaalilluni aalisartut piffimmi pisaminnik tunisisinnaalissammata.

Inussiarnersumik inuulluaqqusillunga

Ane Hansen